

հարկի անվանը «բաշ-ի բուզուրդ», այսինքն «մեծ բաշ» կասվի: Այս երկրորդ տեսակի ապրանքները շուկայում ծախվելիս, դրանց համար առանձին վերցված կնիքի հարկին «բաշ-ի թամդա» կասվի: Թամդան այստեղ ընդհանրապես բաշ (այսինք հարկ) իմաստով է օգտագործված¹: Հարկը դանձելու ժամանակ որպես չափի միավոր ընդունված էր՝ ուղտի, ձիու, ավանակի բեռը (լուկ), բամբակյա, բրդյա, մետաքսյա ապրանքների համար՝ թուփը (մի ամբողջական կտոր), թանկարժեք մետաղների, գոհարեղենների, գարգարանքների համար՝ մսկալը²:

* * *

1515—1516 թթ. երբ Արևմտյան Հայաստանը և Քրդստանը միացան Օսմանյան կայսրությունը, քրդական կյանքում ափրոզ ֆեոդալական հարաբերությունների մեջ ոչ մի էական փոփոխություն չկատարվեց և չէր էլ կարող կատարվել:

Բոլոր քուրդ էմիրներն ու բեկերը փաստորեն պահպանեցին իրենց նախկին արտոնությունները: Նրանք թուրքական կառավարությունը ենթարկվում էին ձևականորեն: Դեռ միացումից հետո էլ քրդական էմիրների մի մասը շարունակում էր տատանվել թուրք ու զվլբաշ հովանավորների միջև ընտրություն կայացնելու հարցում: Շեհրեզորի (Դիարբեքի) էմիր Թիմուր խանը մինչև իսկ 1580 թ. հանդես էր գալիս մերթ թուրքական և մերթ զվլբաշական օրինադրություն³:

Մանր ու երկրորդական նշանակություն ունեցող քուրդ բեկերը միացումից հետո ձեռք բերեցին կիսանկախություն: Նրանց զինվորական ուժը օգտագործվում էր օսմանցիների կողմից, որպես առաջապահ ուժ, ոչ միայն Պարսկաստանի դեմ, այլև Նվրոպայում մղված պատերազմների ընթացքում: Այստեղից էլ հասկանալի է այն սիրալիր քաղաքականությունը, որ վարում էր Օսմանյան կառավարությունը քուրդ բեկերի նկատմամբ: Կառավարությունը առատորեն պարգևատրում էր նրանց հողային տիրույթներով:

Եթե քրդական էմիրները ստանում էին ամբողջ մարզերի կառավարում Քրդստանում ու Հայաստանում, ապա մանր բեկերը հատուկ սուլթանական հրովարտակներով ստանում էին մինչև իսկ տարեկան 70 հազար ակչե եկամուտ բերող զիամեթներ⁴, թիմարներ, ինչպես նաև հողային տիրույթներ՝ «օջակլըկ», «արփալըկ» իրավունքներով⁵: Բացի այդ, քրդական բեկերը տիրում էին ամբողջական մարզերի մյուլըի իրավունքով, պետությունից ստանալով հատուկ վկայականներ՝ մյուլը-նամեներ⁶: Մյուլըի տարբերակը հանդիսանում էր կառավարության կողմից քուրդ բեկերին հանձնված «իկտա-ի թեմլիքին» (ikta-i temliki)⁷:

¹ Տե՛ս, M. Fuat Köprülü «bâc», Islam ansiklopedisi, II cilt, İstanbul 1952, s. 189.

² Հասան փադիշահի Բայբուրտ քաղաքի «Բաշ-ի բուզուրդ» և «Ճամդա-ի սիահի» ընդարձակ կանոն-նամեն տե՛ս, Ta'sil-i kanunnâme-i tamga ve bac ber mucibi kanun-i Hasan padisah (Bitlis kanunu. s. 184).

³ B. F. Charmoy, Chêrêf-Nâmeh ou fastes de la nation Kourde par Ghêrêf-Ouddine, prince de Bitlis, tome II, I-ère partie, page 113.

⁴ Նույն տեղում:

⁵ Նույն տեղում, էջ 182:

⁶ Նույն տեղում, էջ 33:

⁷ Նույն տեղում, էջ 112: